

畿

輔

安

瀾

志

畿輔安瀾志

涑水卷上

原委

附載

涑水卷下

隄防

橋渡

祠廟

水利

畿輔安瀾志

涑水卷上

原委

涑水一名巨馬河出直隸易州廣昌縣

周禮職方正北曰并州其浸涑易 〔漢書地理志〕

代郡廣昌涑水東南至容城入河過郡三行五百

里并州浸師古曰涑音來 說文涑水起北地廣

昌東入河 太平寰宇記蔚州飛狐縣涑水亦名
拒馬河今名涑水源也 二統志廣昌縣在易州
西一百八十里初屬山西大同府雍正十一年改
屬易州

其源有二一出城西南半里涑山之鎮海寺前一出
城東一里泰山廟古塔下俱東北流至縣東三里之
泉房村合而東北流三十里逕石門鋪

〔水經〕巨馬河出代郡廣昌縣涑山酈注卽涑水也

有二源俱發涑山東逕廣昌縣故城南方輿紀

要涑水源在廣昌縣南半里東流合拒馬河水源

出七山晉劉琨守此以拒石勒因名拒馬河東流

逕紫荆關入易州界一云金章宗嘗走馬飲水於

此亦名馬跑河

謹案馬跑河當是俗稱既曰拒馬河又爲馬跑之說附會一矣

明史地理志山西蔚州廣昌涑水在東源出夷厓

古塔卜與縣南之拒馬河合東入直隸涑水縣界

紫荆關在東北飛狐關在北今爲黑石嶺堡與蔚

州接界 二統志旗山在廣昌縣西南三里有七
嶺亦名七山高五里拒馬水出此淶水一名拒馬
河 畿輔通志拒馬河亦名馬跑河在廣昌縣南
三里東會淶水淶水在縣東門外源出北崖南會
拒馬河東流六十里入淶水縣界 廣昌縣志淶
水在縣東一里發源古塔下通巨馬河經紫荊關
流入易州淶水縣一源發於關內巽方亦名淶水
從關堡牆下水口流入於巨馬河巨馬河源在縣

南半里北七山下少東與涑水合流鎮山寺在縣
南二里七山下東嶽廟在東郭外地名倉上村泉
房村古名錢坊縣東三里石門村縣東八里

謹案涑水爲并州潞其名最古拒馬河之名未知
起於何時酈元道以爲卽涑水且明涑有二源亦
不言孰爲涑水之源孰爲拒馬之源也下至道縣
始以巨馬之名與之而係以袁紹遣將崔臣業攻
固安不下退還公孫瓚追擊之於巨馬水事蓋明

巨馬之名始見于此亦未詳言其得名之故至以拒敵得名以巨爲拒紀要以爲劉琨拒石勒而廣昌縣志霸州志又以爲楊六郎拒遼人愈遠愈謬皆不足信又據紀要則似南源爲涑水東源爲巨馬河據明史及諸志則又以東源爲涑水南源爲巨馬河皆不如從水經注止作涑水二源爲是又案方輿紀要手保安州磐山云一名磐石山涑水出焉水經注亦謂之涑山而於磐石水反別涑

經注謂出廣昌縣閭鄉之礬石山東流厯覆釜山下又東至古長城門注于易水蓋卽涑水之上源也又於擔車砦引水經注擔車水東注于涑水之文謂涑水卽礬山水也畿輔通志礬山水在保安州東南源出礬山南流至易州界入涑水是據紀要則礬山水卽涑水據通志則礬山水又爲入涑之水攷保安州之礬山水自入桑乾隔越邊牆重山間阻無由入涑通志非也紀要據水經注以礬

山爲涑山則水經注並無此語易水篇有磬石山
水云水源西出廣昌縣閭鄉之磬石山不獨無閭
鄉字亦並不云廣昌縣也且廣昌縣亦無磬石山
今易州之磬石山水已無可考且據水經注則是
入易之水亦不可以爲涑之上源而保安州之大
磬山小磬山水入桑乾河者又是一磬山水不特
非涑水並非易州之磬石山水紀要旣以磬石山
水爲涑水又混易州之磬石山與保安州之磬山

爲一旦直以涑山爲礬山皆誤也又涑水過郡三
紀要謂代上谷涿郡也涑水不經上谷其出上谷
者爲涿耶水據水經當數代涿渤海爲是 又案
七山一統志又謂之旗山據水經及注皆作涑山
無七山之目疑涑字近漆又因漆音訛爲七隸續
云地皇侯鉦書七作來韓勅碑書漆作涑亦一証
也至山西通志又謂宋將楊景監旗於此名旗山
尤爲無稽當從水經注作涑山爲是 又案縣志

謂酈食其說漢王拒白馬之津卽此非也放酈食其傳是距飛狐之口守白馬之津不得改守爲拒以附會拒馬之說史記秦隱白馬津卽黎陽津水經注河水篇此鳴津又曰白馬東南有白馬城故名方輿紀要白馬津在滑縣西卽大河津渡處是也

入易州西北境逕浮圖峪入邊牆又東北流七十里逕州西北之紫荆關則有烏龍潭杜兒溝特溪小河

溝荆城司小河溝諸水入之北至州東北之章方村

太平寰宇記易州易縣涑水河一名拒馬河方

輿紀要浮圖峪在廣昌縣東四十里霍案一教志廣昌縣志俱

作三十里鐵嶺下路出紫荆關紫荆關在易州西八十

里山西廣昌縣東北百里路通宣府大同易水

志烏龍潭自廣昌縣團堡發源至州西北塔崖驛

合拒馬河長二十里忙兒溝自州西北水口發源

至殷家堡與拒馬河合長十六里清溪小河溝自

卷之九
州西北蔡家峪發源至楊樹村合拒馬河長二十
五里蘭城司小河溝自涑水縣黃土臺發源至州
西北南城司合拒馬河長十二里

謹案涑水自州西北浮圖峪入境東北逕王安鎮
北流屈曲逕阜佃橋又東北屈逕塔崖驛又南流
逕交將會又東流逕玉山鋪又北流逕大盤石小
盤石而南流屈逕三里鋪又東流逕小新城又東
流逕紫荆關下又東流逕教場村河東村又南流

逕孔各莊又北流逕東園龍王廟又北流逕客泥
村又北流逕嶺子南又北流逕南城司北城司又
北流逕新莊而入房山縣章方村之新店長一百
六十里

入順天府房山縣西南境逕鐵鎖崖下又名十度河
畿輔通志十度河在房山縣西南曲折旋遶由十
度村至石峪店歷經十度故名 房山縣志鐵鎖
崖在縣西南七十里世傳夏禹王治水於此今斷

崖上尙有鐵練下垂十度河在縣西南自十度河
至鎮子營歷經十度故名之卽拒馬河上流

謹案涑水流逕房山縣鐵鎖崖下東南流逕章方
村又東流分爲三支南支有漏水石壩分水東流
逕鎮子營又分二支下入涑水縣界中支逕上灘

村

房山縣志上中下灘在縣西南
七十里四旁皆稻田今屬官

爲石槽溝下有

石橋北支爲清溝三支亂流交錯而東逕惠莊廣
潤莊又東合流而逕涿州城南其中爲營田名之

曰十度河 又案水經注涑水逕三女亭西又逕

樓亭北左屬白澗溪水

或以爲卽中易水非也辨見後附載卷

又北

逕小巖東又東逕大巖南蓋霍原隱居教授處也

方輿紀要白楊嶺在易州西北四十里其並峙者

曰奇峯嶺有奇峯口相傳唐置樓亭縣於此又西

北十里曰官座嶺太平寰宇記大巖嶺在易州北

一百九十里畿輔通志云在涑水縣西北日下舊

聞謂卽房山縣之六聘山今涑水自浮圖峪歷紫

荆關官座嶺奇峯口逕房山縣鐵鎖嶺崖巘所會
諸水多不可考其經流固未之改也 又案宋史
宋琪傳琪疏謂大軍會於易州循孤山之北漆水
以西挾山而行援糧而進漆水蓋涑水之訛也

崖下有龍潭北流注之又折而東南流分爲二一東

入涑州一南入涑水縣

漢道縣
屬涑水

畿輔通志巨馬河出涑山至房山縣分爲二支一
東流涑州一南流涑水縣龍潭山在涑水縣北五

十里高峯卓立一名鐵裹寨山上有鐵鎖崖崖下

有龍潭

謹案此卽所謂鐵嶺小河自易州西北牛角峪發源流至鐵嶺下與拒馬河合

畿輔地圖記涑水卽拒馬河發源廣平縣流入紫
荆關過易州西北界至房山縣境分爲二支一東
流涿州逕固安縣東南入渾河一南流涑水縣逕
定興新城入白溝河

謹案水經注云涑水又南逕藏刀山下層崖壁立
直上千霄遠望崖側有若積刀環環相比此似卽

今之鐵鎖崖又云又東督亢溝出焉一水東南流
卽督溝也此卽今鐵鎖崖下所分東入涿州之
一支又云一水西南出卽涑水故瀆矣水盛則長
津宏注水耗則通波潛伏重源顯發於道縣舊則
川矣此卽今南入涑水縣之一支所云伏流顯發
者卽清水河也

其入涿州者則有涑水廣陽水挾活河胡良河琉璃
河互見永及山西諸水流合焉今爲渾河所亂無復

鶴流矣其由涿州城南支分者則莊頭灣也其洩水之溝則有北務村找子營潘各莊柳河營蜜子營香營智軍莊張家溝

漢書地理志涿郡涿桃水首受涑水東至安次入

河 長安客話州西南三十里有岐溝

謹案方輿紀要岐溝

在涿州西南四十里亦曰奇溝又名祁溝宋時置關以備契丹者（胡

三省通鑑注關在巨馬河之北自關而西至易州六十里由巨馬而東至新城縣四十里漢志桃水

首受涑水東至安次入河安次在今東安縣界水
經注于下流口但言聖水今更爲渾河所奪東安
縣南五十里有桃河泊當猶以桃水得名涿州
志莊頭灣在州城南巨馬河支分滙爲此灣

謹案涑水出涿州西南山卽漢志桃水之支分流

自挾河橋下流入良鄉縣境又東流逕福興莊

在縣

治南五里又東流逕張村又東流逕楊合莊

卽店名

縣治南四里又東流逕北拜村與胡良河合又東流

逕祖村

在縣治南四十里

入涿州界合於琉璃河故水經

注云聖水又東逕涿縣故城下與涿水合世以爲

涿水又亦謂之桃水是涿與桃無定稱涿則桃也

又云出涿縣故城西南奇溝東八里大坎下數泉

同發東逕桃仁墟北或曰因水以名墟是桃水也

或曰終仁之故居非桃水也今案地理志此水所

發不與志同謂終爲是則是意以稱涿水爲是也

又引應劭曰涿郡南有涿水今涿城南無水以應

之惟西南有是水則是以奇蒲東之水定爲涿水也又引應劭云涿水出上谷涿鹿縣今案涿水自涿鹿東注濕水濕水東南逕廣陽郡與涿郡分水漢高祖分燕置涿郡涿之爲名當受涿水通稱故郡縣氏之則是與桃水並稱之涿水以涿郡故名又似因上谷涿鹿入濕之涿水而通稱也又云阻物理潛通所在分發故在上谷爲涿耶水山川阻隔並無沿注之理則是涿郡之涿水並不與上谷

通也蓋水經注涿水一見聖水篇一見濕水篇聖
水篇注第云世以爲涿水又亦謂之桃水則是循
世俗之稱而釋之謂是亦一涿水也濕水篇注則
曰世謂之張公泉下特詳引黃帝戰涿鹿事並阪
泉蚩尤泉以証之蓋謂涿之定以涿鹿得名而世
謂張公者無稽也此真涿水也其云涿水支分入
匈奴者謂之涿耶水地理潛顯難以究明蓋謂所
不可知者特支分之一水耳水經注于兩涿水傳

疑傳信極爲明晰特古水或湮或改今不可考耳
後人因諸書各爲異說以訛傳訛遂致疑水經注
爲誤且因今之涿州而以爲涿水在是而反謂出
于古涿鹿者爲非而專以涿耶水屬諸涿鹿同一
水經注文何自耶水篇之涿水則是而韓水篇之
涿水則非且聖水篇與桃水並稱之涿水則定爲
涿水而潞水篇涿水支分之涿耶則抹去涿水可
乎要之涿水之得名實因涿鹿而郡之名涿亦因

之出涿鹿者固爲涿水而在涿郡者亦得名涿水
矣涿水兩見明是雨水非必彼之爲是而此之爲
非也餘辨見桑乾河篇 又案廣陽水源出房山

縣北公村

名勝志公村在房縣山北三十里廣陽水所出逕廣陽故城與鹽溝水合入桑

乾河有胡良河自北來注之

名公村河

房山縣志公村河發源自山西流至良鄉爲黃

陽又名義河

良鄉縣志義河在縣北一十五里昌黎縣公村里 諸案有董公廉泉一

統志云在宛平縣西南五十里泉水湧出八良鄉爲義河之上源蓋是入義河之水也

南流

逕良鄉縣東北境逕廣陽城

折地志廣陽故城在良鄉縣東北十七里

爲廣陽河

水經注聖水又東廣陽水注之水出小廣陽縣故城北又東福

祿水注焉水出西山東南逕廣陽縣故城北東入廣陽水

又東南流與鹽溝水

會爲牯牛河

畿輔通志牯牛河卽爲廣陽鹽溝二水之會流至良鄉縣東南合流爲三

汊口謹案鹽溝亦作閭溝鹽溝發源宛平縣西南龍門口村又東流入良鄉縣之岳各莊又東流

逕驛姑村又東流出石橋下又東南流出挾河橋下入涿州一統志畿輔通志皆以爲卽古福祿水

也攷李北海兩雲臺將軍碑一爲李思訓在陝西一爲李秀在良鄉春明夢餘錄秀卒于開元

四年葬廣陽縣福祿鄉此亦福祿水之一証也又方輿紀要龍泉山在良鄉縣西十五里下有石龍

口出泉不竭東流入鹽溝河此是龍泉山水非卽出大安山之龍泉河也下入於涿州

胡良河而合于琉璃河舊自涿州南流入於霸州

中亭河

畿輔通志廣陽水又西南流由中亭河入會同河

今於涿州東北

境築壩以禦水下流遂枯河道雖存水流不復矣

一統志廣陽水南流至任村西南入大清河一遇水漲奔騰衝突故土人謂之牝牛河良涿固霸之

間累被其害雍正四年怡賢親王奏于任村之南開濬新河東南經涿州界固安縣西北循盧溝故道南經霸州之南孟等村抵栲栳圈入中亭河長二百里自是潦水有所歸此河今亦

名雅河以與啞叭河下流合也源出縣北之河西

村東南流逕南公村又東流逕旺窠村又東流逕

良鄉縣之野谷莊又東南流順水河自北來匯注於石橋下下流入于胡良河諸書皆以爲入桑乾或云入盧溝蓋昔爲渾河所亂惟良鄉縣志以爲入胡良河猶是舊時故道而一統志辨之尤爲明晰今牯牛河於金門關卽會胡良河下入巨馬分涿之一支于合處架壩而下流遂斷詳見永定河篇 又案挾活河亦曰挾河一名夾河源出上房山其上曰紅巖嶺上方寺所在也山上有龍潭泉

流下注謂之天橋湖

〔香京景物畧〕紅螺峯在上房山東三十里循九龍峪度八

紫嶺入桃葉口爲下嶺過龍潭水有洞曰紅螺爲中嶺復上半里其右松棚庵再右觀音洞爲上嶺

房山縣志天橋湖在紅螺山上嶺左峯山在縣西南四十里卽幽嵐也紅螺洞在紅螺中不梯

迤北當年有紅螺放光昔人飲此霹靂驟至疑爲龍窟焉又東流逕半壁店南

又東流逕韓姑村名韓姑河

黃百家北遊紀方六山河自黑龍關來東

南入琉璃河上有半壁山壁立千仞石罅古柏叢茸卽韓村河也韓姑村俗呼韓繼村房山縣志

韓村河在縣南二十五里莫窮其源每逢夏雨泛漲衝壞橋梁採運石料大車經此屢煩修治北韓

其村縣西南十二里南韓其村縣西南三十里〔謹案〕查通志挾活河在涿州北二十里胡良河在

相北十里與圖乃以挾河近涿州而以胡良河居韓村挾河之中非也 又東流逕房

山縣城南謂之挾河又東流逕良鄉縣挾河橋下

東南流逕涿州界與胡良河合

明史地理志房山西有大房山北有

大安山西有青龍潭其下流爲挾河一名韓村河至涿州與胡良河合 方輿紀要挾河出房山縣

東南中浣谷入涿州界 一統志挾河源出房山縣西中浣谷東流逕涿州北二十五里又東入琉

璃河 涿州志挾河在房山縣南發源中浣谷至涿州人胡良河 謹案水經聖水又東與挾河合

水出良鄉縣西甘泉原東谷東逕西鄉縣故城北又東逕良鄉城南又東北注聖水世謂之挾活河

而名勝志乃云涿水源從大同得勝堡入至老班謂一之涿水縣一之涿州沙水俱活東西不從故

謂之挾活水又謂之聖水也晉亢亭州南一帶至
新城皆是其北乃涿水所入則是涿水挾活水聖
水混作一水矣且源從大同之涿水乃山保安州
涿鹿山之涿水非涿縣之涿水也且下舊聞謂俠
河或謂源自大同邊界入或謂源出良鄉房山或
云卽聖水或云卽巨馬河難以臆定蓋爲湯有光
所惑亂未之考也此河有二源一出房山縣西北
上方山諸溪澗名灌河東南流至灌橋一出房山
縣西北高家莊白玉石塘東流至牛壁山有半壁
店河至灌橋與灌河合曰夾河下流有石橋卽夾
河橋也又東逕胡良村合胡良河下入涿州界一
統志涿州志謂出良鄉縣中浣谷明史地理志房
山縣志謂出房山縣青龍潭大要不離乎此卽水
經注所謂甘泉原東谷意卽中浣谷也惟名勝志
以爲出自上谷涿鹿山房山
縣志謂入公村河皆非也

又案胡良河亦名

湖梁河源山房山縣西北大安山古垣水也

漢書地理

志涿郡良鄉垣水東南至陽鄉入桃又武垣應劭巨桓水出良鄉東入桃金史地理志涿州有胡

良河一統志大安山在房山縣西北八十里有龍湫胡良河源出大安山又胡良河在涿州北十

里又東合巨馬河入琉璃河即古洹水也水經注聖水自涿縣東與桃水合首受涿水於徐

城東南良鄉西分垣水世謂之南涉溝即抗水也又云桃水又東北與洹水會水上分涿水於良鄉

縣之桃水世謂之北涉溝故應劭曰垣水出良鄉東逕垣縣故城北則是北涉溝南涉溝皆垣水所

分特一西分一東出耳二溝皆合於涿水水經注本是分明

桃水自出於涿縣故城奇溝東水經注本後人專以胡良河爲垣水遂云水經注北涉溝爲垣水南涉溝爲桃水非矣又水經注箋孫曰洹水

當作垣水下同抗水疑作范
抗似桃字之訛不當爲范
東流逕甘池村名甘

泉河甘池村卽長溝谷也

二統志大房山南瓜山
口東八里有東西兩止

四甘池村亦謂之長溝谷西村之北水從石壁出
凡七寶難注爲也古甘泉也又東北數里爲黑

龍之泉易二州分路處也又東流逕良鄉縣西

方輿紀要胡良河在良鄉縣西又東流逕涿州北合杖引泉白玉

堂泉又東流逕州東南入于琉璃河

方輿紀要胡良河在涿州

東二十里出房山縣大安山東麓流入州境又南
與挾河合流入良鄉縣界注于琉璃河志云琉璃
河卽盧水也自房山縣流逕州北大房山之孔水
入焉石橋跨其上形勢巨麗亞于盧溝杖引泉在

房山縣西南六十里泉水湧出匯而成溪流逕涿州入胡良河續補通志白玉堂泉在房山縣西

南五十里塘下突起一泉潔清如玉有灌漑之利一統志泉東南流入涿州爲胡良河之上游

房山縣志白玉堂在石碣山下其水種稻米色如玉人呼玉塘米一明實錄世宗嘉靖十一年五月

太僕寺卿何棟言看得涿州有胡良河自巨馬河分流至涿州東入渾河良鄉有琉璃河發源磁家

務晉入地中至良鄉東入渾河皆其故道近以渾河沙淤阻塞二河下流遂至平地淹沒瀰漫至數

千餘頃所當亟爲疏濬得旨允行謹案胡良河志俱作涿州北十里紀要作東二十里其實一也

又新唐書史思明傳周萬志自胡良渡河則胡良之名其來久矣河起自房山縣西甘池村石將軍

廟東流逕長溝村入涿州北境至州東南張村入琉璃河而同注于巨馬河明實錄所載與大清

會典皆謂河自通州入渾河蓋昔所爲奪也今則仍入于琉璃河

又案琉璃河

卽古聖水也

水經聖水出上谷東過良鄉縣南又東過長鄉縣北又東過安次縣南

注聖水又南逕良鄉縣故城南有防水注之水出縣西北大防山南而東南流逕羊頭山下俗謂之

羊頭溪其水入東南流至縣東入聖水又南與樂水合水出縣西北大防南山東南流歷縣西而東

南流注亦名劉李河石朔集琉璃河又名劉李河聖水在涿州北三十里水脈清泚

大中祥符間路振乘軺錄亦謂琉璃河惟嘉祐中宋敏求入燕錄乃謂之六里河燕都遊覽志琉

璃河卽金史所載之劉李河桑欽水經曰聖水出上谷孫澄曰卽琉璃河也方輿記要大房山下

聖水泉卽聖水之上源其涿水黃陽水挾活胡良委流爲琉璃河逕良鄉縣

諸河皆合爲一統志云琉璃河南入涿州界亦名
清河自琉璃橋東行可四十里折而東南可二三
里得挾河口又東南二十里得巨馬河口又東南
七八里爲茨村正西去涿州三十里東岸有渾河
決入之口土人云舊時渾河從固安之故城村決
而西南至茨村東北合琉璃河遂直南衝茨村分
爲二後渾河漸徙而東至康熙戊辰始盡掩塞不
復相通而琉璃河遂南入新城縣界其故道由涿

州東逕固安永清東安朔州界今皆爲渾河所奪

又有濯河

源出房山縣西北因出灌石旁謂之灌河一名長樂河下流至灌橋與俠河會

入琉璃河勸邱集百望山之陽登之可以望京師出百望十里爲長樂河北二十里爲玉斗潭又北

十里爲灌石是也畿輔通志覺河源出石獸岡攢河入之覺河卽南易水豈又一河灌耶今亦無此

水辨見龍泉河

一名大石河又名漫水河古防水易水篇龍泉河也方輿紀要龍泉河在良鄉縣西

源出房山縣大安山下西南流與琉璃河合一統志漫水河在房山縣北亦名龍泉河卽古防水也

房山縣志漫水河發源自龍門峪逕磁家務大口頭流至羊頭岡爲大石河至盧村爲蘆河卽琉璃

河上流攷新唐書劉仁恭傳李思安來攻屯石子河仁恭居大安山石子河卽大石河也河有二源

一起自西北口外遶金陵流入房山縣境一起自縣西北大安山二水合流逕河北村又東流逕河南村有支河三道又東南流逕夏村又東南流與沙河會爲琉璃河縣志大安山在縣北八十里羊頭岡在縣北六里一統志旣引水經防水出大防山而此水乃出大安山蓋連麓而異名矣其水流逕磁家務與琉璃河合縣志乃以爲琉璃河上流非也又龍泉河與龍泉山水爲兩水據方輿紀要龍泉山在良鄉縣西十五里伏龍岡在縣西十里則是龍泉河較近于龍泉山也又云大山房在房山縣西十五里山下有聖水泉西南有伏龍穴一名龍城峪湯泉出焉則似湯泉卽龍泉河也又云大安山在房山縣北八十里則是龍泉河非卽大房山西南之湯泉也且八十里則去良鄉遠矣攷良鄉西至房山縣界十七里西北至山縣界十五里諸志謂鹽河在良鄉縣南琉璃河在良鄉縣

西龍泉河西南入琉璃河龍泉山水東入鹽河皆欠明晰七斗泉在房山縣北二十五里大

口頭村西北山腰相次排列泉水高擁尺餘形如斗大蜿蜒下入于河涼水河起縣

牛口峪村之馬跑泉與西沙河合一統志在房山縣南三里即古樂水也畿輔通志同房山縣志將

南三里其水出于平地石簾清涼甘美流入北市沙河歸蘆河天津府志作樂水河則似以涼水爲

樂水之訛理或然也又宛平縣有涼水河乃由水頭莊發源流入海子者非此水也沙河有

四房山縣志東沙河在縣東一里許即北沙河下流北沙河在縣北一里許亦山泉會合西沙河即

馬跑泉下流南沙河與西沙河共一原委蓋四沙河繞房山縣城隨其方隅名之下流皆會于石橋

歸俠河以入琉璃者也其發源處在宛平縣界即謂之沙峪村中更支分乃有壩兒涼水之別稱山

泉所滲漫流平壩兒河發源宛平縣之茶樓頂東地難以條晰矣

東流歸入四沙河之不橋蓋卽胡良河之分支也房山縣志發源于茶樓頂諸山澗溪會於周口店築砌石隄作溝洫浸灌園畦歷韓其諸水入焉又支樓等村東入蘆溝河同歸琉璃河

北務村溝下接茨村新莊入巨馬河長五里潘各莊溝上接找子營下接徐里營長五里有奇找子營溝下接潘各莊長六里柳河營溝下接南屯田溝長三里有奇蠻子營在豹子莊南長三里有奇香營溝下接豬皮營入新城龍窪村長三里智軍

莊溝下接下莊村又由豬皮營入新城龍窪長四里張家溝起自涿州三家村逕新城縣鴈澤村至東務里入清河長二十四里有奇皆洩水溝也

其入涑水縣者始名巨馬河亦曰渠水自縣東北境伏流復出名清水河合流逕縣城東北隅東南入保定府定興縣境

水經涑水東過道縣北酈注涑水上承故瀆于縣北垂重源再發結爲長潭涓流控引水自成淵諸

長川漫下東南流逕縣故城東謂之巨馬河亦曰

渠水也袁本初遣別將崔巨業攻固安不下退還

公孫瓚追擊之于巨馬水卽此水也

謹案據重源再發之文則

涑水又巨馬之源注係巨馬之名于此自此以下始皆稱巨馬水所以別涑水也方輿紀要謂涑水

源出保安州之礬世東南注入於定興縣境亦曰拒馬河非也詳見前

元和志涑

水在涑水縣東北二里

太平寰宇記廢涑水縣

在易州北四十二里十四鄉本漢道縣屬涑郡

畿輔通志涑水河在涑水縣北于家莊南流至縣

南北入巨馬河、明史稿地理志涑水縣東有白石嶺又有涑水亦曰巨馬水下流合白溝河

謹案涑水自易州辛莊又北流逕黃兒莊一作統志在涑

水縣西北八十三里畿輔通志作在縣西北一百三十里又北流逕嶺東又北

流逕嶺西又屈曲流逕黑兒口又北流逕板城統志

志板城廢縣在涑水縣北又北流逕白石礪又北流逕趙各莊

又北流逕計路又折而東流逕河東村又屈逕平峪又轉北逕福山口又北流逕小峯口又北流逕

蓬頭直北卽馬水口也逕南逕邢各莊屈曲流逕
勾各莊又東北流逕套肩嶺下其東北岸至鎮子
營與房山縣分界折而南流逕下莊屈曲流逕亂
山中東陷流逕都衙又東南逕石門河北爲平峪
又東南逕十都又東南流逕六都又東南流逕關
上又東南流逕口子又東南流逕乾河卽乾河口又東
南流逕沈家庵又東南流逕龍安山鐵鎖崖下又
東南流逕張房下有岔河三支分流入房山縣

度又東南流逕北莊又東南流逕石亭山其北岸
即鎮子營也南爲永遠大道而入于涿州界又東
南流逕木橋下又東南流逕赤土又東南流逕祖
各莊又東南流逕北辛莊又東南流逕張翠臺又
東南流逕沈家臺則有清水河之水來會焉又東
南流逕縣城東去縣十里又東南流逕蘭家莊又東南
流逕莊疇又東南流逕東義庵南義庵西義庵又
東南流逕史姑莊其對岸爲夏莊入新城縣界又

東南流逕北白堡南白堡又東南流逕龍村又東南流逕高洛下入定興縣吳村爲白溝河長二百五十里又清水河發源井村東南流合龐家河水又南逕石圭又東南逕安陽又東逕安家窪又東逕薛家莊又東逕南北澗頭又東南逕淶水縣北入於巨馬河

又東南流逕定興縣南之固城鎮是爲界河卽宋遼分界處也亦曰北河則有迎紫河道攔河入焉

方輿紀要固城鎮在定興縣南四十里志云宋遼
分界處今與清苑縣接境道攔河在涑水縣西十
里發源樂平山東至定興縣西北三十五里下流
與易州之梁村水白楊嶺水馬跑泉水合流而東
入巨馬河一名沙河定興縣志界河今邑與新
城分界處也源起新城閭家鋪由斗門而南洶窪
有灣東流與之會越鋪頭東及王家莊入界河鋪
遼金舊築以備宋者也其下流爲西溝河

遼案西
溝河卽

斗門河今謂之西水對北岸而名之也統志界河俗又名曰北

河東南流至白溝店南舊自白溝店東流明永樂末徙于店南故道遂淤

謹案迎紫河古無其稱或疑爲卽紫泉水水經注涑水又東北歷紫石溪口與紫石水合水北出聖入城北大亘下一統志聖人城在涑水縣西北以方位計之似也又易水自紫荆關來是河會易水而入于巨馬河意迎紫之名或取諸此亦未可知

也水源出易州東北東流逕流井村又東逕白馬
村又東逕永陽村折而南流逕居士村又南流逕
北橋頭又南逕二十里舖有迎紫橋跨其上又南
逕南橋村又南逕溝子村入涑水縣界逕東逕米
家溝又東逕樊家臺又東逕東西明義又東逕東
西官莊入定興縣境之西落堡又東逕鄭村店又
東逕河內村與巨馬河合于河陽渡俗名百澗水
卽白澗河也 又案道攔河以涑水本漢道縣因

地得名又以其逕南北秋蘭村故土俗又名秋蘭
河涑水縣志道攔河流至定興縣入沙河似作兩
水據方輿紀要畿輔通志定興縣志陸隴其畿輔
八府地圖記皆以沙河爲卽道攔河一統志云舊
志沙河有四源一出易州西北白楊嶺一出州北
梁村合流入定興縣界至長安城北一出易州東
北之馬跑泉亦流合焉一出涑水縣之樂平山卽
道攔河南流入定興縣界與三水合流而東名沙

河又東南與易水合又東入巨馬河斯言較諸說
爲得其實至去縣之遠近方輿紀要作十里一統
志作十五里涑水縣志作四十五里里數雖有不
同其爲涑水縣西發源樂平山則一也樂平一名
洛平道攔河發源洛平泉東南流逕西壘子東壘
子石橋下有馬跑泉訖河入焉又東南逕炭山下
之炭山村又東南逕東武山又東南逕西十里鋪
石橋下又東南逕南秋蘭又東南逕曹家莊又東

南逕張家窪又東南逕封村又東南逕司徒村又
東南逕姜各莊又東南逕石柱村石橋下而入定
興縣境與易水會河陽渡

支分別出爲馬村河東南流入河陽渡則有北中二
易水合流注之自下爲白溝河則有紫泉斗門泉入
之

方輿紀要拒馬河在定興縣西一里亦謂之涑水
自涑水縣流經此與五里河白溝河合入安肅縣

其合處有渡曰河陽渡白溝河在縣自易州流入
縣界東合拒馬河卽易水也又五里河在縣西南
十里自易州白楊嶺流入縣界東流入拒馬河馬
村河在新城縣西北四十里自涑水縣流入境東
南流合于白沙溝志云河水自拒馬河分流由涑
水縣東南境亦土社經縣之馬村因名 定興縣
志拒馬河入定興之吳村經中候南候蹴西城村
掖縣城越渾酒店趣河陽渡與易水會白溝河河

陽渡冰易沙三河合流于此在縣南十里俗名北

河因固城北故名白溝河河陽渡下流也古名范

水宋與遼分界處

謹案范水已不存
考辨見易水篇

二統志紫

泉河在新城縣西源出縣西北十五里龍堂村有

泉數派合而爲一舊南流遼縣城入高橋窪今改

入琉璃河斗門河源出新城縣西北二十里李家

營卽宋何承矩關斗門興水利處南流逕定興縣

東爲界河下流爲西溝河南入白溝河

說補通

志紫泉河在新城縣東北

謹案東北與一統志作縣西是也源出

縣西北十五里龍堂村又南流逕俠流村又南流

縣西十里合琉璃河入白溝河斗門河在新城縣

西出界河西溝入高橋窪

謹案新城縣志高橋窪在縣南二十里受紫泉

斗門二水又泗莊東西窪在縣南二十里與高橋
窪相連斗門窪在縣南三十五里受紫泉斗門兩

窪之水歲輔通志高
橋窪高橋河故道也

〔謹案〕拒馬河起自定興縣西北之吳村東南流逕

城南之小河村則有易水合白澗河流入之卽北

中二易水名曰北河又東流逕西近村則有馬村
河自新城縣北來入之又東流逕談城村下入新
城之章村長一十一里北易水于易州東南與中
易水合流又各百澗水至落堡入定興縣麻固就
大牛百樓巨倉之北易上河內等村之南與巨馬
河滙于河陽渡班固曰水亦至范陽入涑是也
又案水經巨馬河又東南過容城縣酈注巨馬水
又東酈亭溝水注之水上承督亢溝水於道縣東

東南流厯紫淵東今紫泉河在容城縣東疑卽所謂紫淵也唐人諱淵故以泉易名紫泉河起自龍堂村至十里舖入清河長二十八里有奇斗門河自李家營至魏家莊入清河長四十八里有奇

又案太平寰宇記易州易縣加夷城下引水經注云巨馬水流逕加夷山卽朶子于山中養無目父母之所也蓋水經注佚文也又遼史地理志東至于海西至金山暨于流沙北至臚胸河南至白溝

幅員萬里或訛溝作津謂白溝亦作白津非也

東南流逕費家莊入容城縣北境與新城縣

漢曰分新目

水則有南溝中溝北溝自定興縣流入焉其由新城

縣支分者則高村河也

水經注督亢水又南謂之白溝水南逕廣陽亭西

而台南枝溝溝水西受巨馬河東出爲枝溝又東

注白溝白溝又南入于巨馬河唐書地理志涿

郡新城太和六年以督亢地置太平寰宇記新

昌故城在今縣南三十里後漢省巨馬河在縣北

明史地理志新城南有白溝河四有巨馬河

保定府志新城縣白溝河水西受拒馬河東出爲
枝溝又南仍入拒馬宋遼分界處 新城縣志高

村河在縣東南三十五里卽白溝河支流源頭壅

塞河道尚存

蓮案畿輔通志高橋窪高橋河故道也則是高村河高橋窪高橋河一水

也

謹案南溝首起定興縣傅家莊逕李郁莊侯官營

韋家營藍溝入新城縣屬王家莊李家莊郝家莊
入白溝河長三千八百丈中溝首起定興縣楊哥
莊馬坊村朱李莊吳家莊入新城縣境歸白溝河
長二千六百四十六丈北溝首起定興縣太平莊
逕張子莊孫哥莊天宮寺馬坊村入新城縣境歸
白溝河長一千四百六十丈 又案范成大北使
錄自安肅軍山北門十五里至白溝安肅縣志白
溝河在縣北十里一名拒馬河爲宋遼分界處今

淤方輿紀要亦云白溝河自安肅容城縣界流入
安肅在定興西南其東北爲容城三縣鼎峙北中
易水界乎定興容城之間而南易水又界乎容城
安肅二縣之中且逼近安肅縣城之北白溝在定
興之南容城之北不得越境至安肅也蓋因南易
水自新安入雄縣歸定下尾與白溝通相灌注而
宋遼分界統謂之界河以致誤耳遼史地理志易
州容城縣在州東八十里戶民皆居拒馬河南僑

治涿州新城縣則容城隔河南岸爲宋邊疆無疑
紀要云容城五代入于契丹宋初復置于拒馬河
南屬雄州是也宋史地理志安肅軍本易州遂城
縣太平興國六年建爲靜戎軍析易州遂城三鄉
置景德元年併縣改安肅軍宣和七年廢軍爲縣
紀要又云靜戎軍五代時亦爲遂城縣周復三關
此爲沿邊要城宋太平興國七年于梁門砦置靜
戎軍于遂城縣置威虜軍時號銅梁門鐵遂城則

安肅宜是宋地矣卽曰與容城接境而拒馬河旣
在容城之北則不得復南與安肅分界保定府志
柳溝宋與契丹分界處在安肅縣然則又非白溝
明矣王曾上契丹事曰自雄縣白溝驛渡河四十
里至新城縣古督亢亭之地又七十里至涿州渡
范水劉李河白溝河在縣北三十里許亢宗奉使
行程錄亦曰界河之南有白溝驛驛蓋以河得名
不知何時移于安肅縣北十里明洪武六年又移

于縣治之東于是安肅境始有驛以被河名卽南
易之流指爲白溝之迹北使錄所指當是柳溝乃
南易水之分支作志者不知而以今淤一語了之
河道雖有遷移建置或多改作然史文尙可考信
也又拒馬河上接定興縣東南之費家莊逕容城

縣北城子村去縣十五里溝市村去縣十六里后臺村去縣十四里

里西塹村去縣九里大小河村去縣十五里朱家張荆堡去縣

十二里李家張荆堡趙家營北王管村去縣十二里胡家

莊田王家營匯入白溝河長三十九里新城縣拒
馬河起自張村至劉家莊入容城縣境長廿三里
有奇

又東南流入雄縣西北境則有南易水自新安縣西
流入焉其支分自容城經雄縣西者則黃灣河也
方輿紀要白溝河在雄縣北三十里亦曰拒馬河
自新城縣流入境卽宋之界河也

畿輔通志白

溝河在新城縣南東逕容城縣至雄縣南東入茅

兒灣達玉帶河其分流一支亦由容城垂雄縣西
三里名黃灣河又逕新安流入四角河詳新安縣
舊志白溝河自白溝店曲折而南五里爲高橋又
南十五里爲趙村橋又南十餘里爲西槐村逕東
七八里至雄城環城西南逕瓦濟橋上入謂之溝
河又東爲亞谷橋又東爲大陰橋又東逕南爲柴
禾淀始與九河合流入茅兒灣新志白溝河舊在
新安北四十里自西之東轉而之南逕雄縣而達

海近徙雄縣之古縣村決河西南逆流過大陽村
入燒車淀亦與九河合流而東此河勢處其上一
值旁溢若建瓴而下其流奔湧使諸水逆流一
統志雹河自易州西南發源東南流厯安肅容城
安州界至新安縣西南五里爲長流河一名長溝
河至縣南三里又曰梁頭河自此滙諸水入雄縣
界

謹案白溝河西接定興縣之北河東入新安縣東

北境之白溝店

去縣三十里

折而東逕燉臺又東南逕

王儲村

又各王諸村去縣三十里

又東南逕二臺新蓋房三臺

閻家鋪下入雄縣大鋪村長九里有奇

折而東流逕縣城繞城四周曰雄河南逕瓦濟門曰

瓦濟河

太平寰宇記雄州本歸義縣之瓦子濟橋在涿州

南當九河之末舊置瓦橋關晉建軍城周顯德六

年建爲雄州仍移易州之容城并歸義二縣于城

中一方輿紀要易水在雄縣南二十五里自安州
流入境一名瓦濟河志云易水至雄縣南東合白
溝河是爲瓦濟河明史稿地理志雄縣白溝河
在縣北南有易水亦曰瓦濟河又有雄河瓦橋關
亦在焉二統志歸信故城今雄縣治其城宋至
道景德中築濬濠引水謂之雄河巨馬河南逕定
興縣西至縣南爲白溝河又東南逕容城縣東北
又東逕新城縣南又東南逕雄縣西又東入保定

縣界又東南流由永通橋環雄縣城西南而東出
瓦濟橋又東八里許爲柴禾淀始與九河合流入
茅兒灣畿輔通志雄河在雄縣南三里自安州
易水卽依城河分流周環縣城逕瓦濟門東下卽
護城河也亦曰瓦濟河又閘河在縣南五里相傳
爲宋楊延昭運糧河

謹案白溝河正支由新城縣通永橋逕雄縣北曰
馬莊趙村務逕西關橋遶縣南逕瓦濟橋下又逕

狄夏鎮與新安安州之水會于柴伙淀下流入茅兒灣縣志宋真宗景德元年冬十二月與契丹定和議于狄夏頭以白溝爲界是也

又東南流至清河門入西淀合于清河土俗故又有清河之名亦互受通稱之例也

謹案白溝卽巨馬之下流其上源爲涑水無二道也涑水縣有巨馬支津入定興縣南之北河其西北來者爲白澗河今訛爲百澗乃中易水之下流

與北易水合而東逕容城縣之北至雄縣之西北
境與巨馬正流合爲白溝河涑水東北爲涿州有
桑乾河一道西南出盧溝橋西岸金門關下逕固
安縣之西而入于霸州之中亭河歸淀入海其或
相通注者乃一時泛濫非本河故道也惟平尾纏
絡交通耳今州志以巨馬爲盧溝又云東合界河
卽白溝宋遼以此河分界而名殊誤又宋史何繼
筠傳咸平二年詔聽邊民越拒馬塞北市何承矩

上言曰緣邊戰權自淘河至尼姑口屈曲乃百餘里此天險也今聽公私貿易則人馬交度深非所宜又河渠志自邊吳泊至尼姑海口綿亘七州軍屈曲九百里深不可以舟行淺不可以徒涉雖有勁兵不能渡也蓋拒馬河于宋時最爲要害也

附載

白澗溪水今無攷

永經注涑水又逕樓亭北左屬白澗溪川石皓然
望同積雪故以物色受名其水又東北流謂之石
曹水通津委注謂之白澗口

謹案中易水東逕定興落堡曰白澗河以上游逕
北白澗也俗謂之百澗河縣志易水積合諸澗故
又名百澗則非卽涑水所屬之白澗溪也意易水

至定興河陽渡合巨馬河後人遂以上源之名被
之下流而因百澗訛爲白澗而白溝之名亦由此
而得耳若混而爲一則非矣又白澗以物色受名
水經注明言之或因據川石皓然之語遂以礬石
山附會其說不知水道固有所不通也辨見前
桑谷水今無攷

〔水經注〕涑水又東北桑谷水注之

石溪水今無攷

水經注涑水又東北歷紫石溪口與紫石水合東
南流左會壘柯溪水

擔車水今無攷

水經注擔車水出擔車硎東南流逕聖人城東南
南流注紫石水又南注涑水

沙溝水

水經注涑水又東逕徐城北沙溝出焉世謂之沙
溝水

謹案沙溝水似卽道攔河以道攔有沙河之一名
然亦未能遽定也

搏虎澗

廣昌縣志縣南五里

木瓜澗

廣昌縣志縣東南四十里

謹案蔚州西寧縣俱有木瓜澗見桑乾河篇

九龍池

房山縣志在金陵爲主峰九龍之水所匯同歸于石池流瀉不涸

一斗泉

方輿紀要孤山口在房山縣南五十六里涿易二州分路處有上方寺絕頂有泉如斗涓涓不窮其寺曰斗泉寺 房山縣志一斗泉在上方寺東北半山坳間俗呼爲斗笠泉

獅子崖泉亦名蟬蛾水

房山縣志縣西南四十里獅子崖下左側泉水一泓環流不竭

三盆山泉

一統志在房山縣西北十五里山巔平曠約十餘畝下有流泉三山狀如仰盆

涼水泉

房山縣志在牛口峪東石灘中

雲水洞泉在房山西北上方山

中和峪泉

房山縣志在縣北七十五里山岩間有古寺泉流
入寺蓄一池流于山下取之不竭

督亢陂

史記宋隱徐廣云涿有督亢亭地理志屬廣陽然
督亢之田在燕東甚良沃欲獻秦故畫其圖而獻
焉 括地志督亢陂在幽州范陽縣東南十里逕
五十餘里 方輿紀要督亢陂涿在州東南十里

其地沃美跨連涿州新城之界 一統志督亢亭

在新城縣北一里紫泉芹河之間遺址突兀高二

三丈又見涿州及固安縣蓋自易州涑水以東及

涿州固安之界皆古督亢地也

謹案芹河舊志不
載疑卽斗門泉

謹案水經注云沙溝水入東督亢溝出焉一水東

南流卽督亢溝也一水西南出卽涑之故瀆矣水

盛則長津宏注水耗則通波潛伏此言涑故瀆之

水也下文云巨馬水又東酈亭溝水注之水上承

督亢溝水于道縣東督亢溝水上承涑水于涑谷
引之長津委注遏之則微川輟流則是督亢水亦
因涑水爲盛耗也下又云孫暢之述畫有督亢地
圖秦主殺軻圖亦絕滅則是督亢地已難考據也
下又云督亢地在涿郡今故安縣南有督亢陌幽
州南界也風俗通曰沆漭也言平遙漭漭無崖
際也亢澤之無水斥鹵之謂也則是督亢地雖有
可指而無水也下又云其水自澤支分東逕涿縣

故城南又東散爲澤渚爲督亢澤也北屈滙于桃
水督亢水又南謂之白溝水則是其地四出之水
合于桃而入白溝者卽是督亢水也蓋在當日之
言督亢者已如此今必欲確指一處則繁矣大概
涿州山南涑水東南跨固安新城二縣界皆當自
之督亢地耳

酈亭溝水

水經注巨馬水又東酈亭溝水注之水上承督亢

溝水于道縣東南流歷紫淵東 尋明夢餘錄

酈亭在涿州二十里爲酈道元故居 二統志酈

亭在新安縣西北舊志今有酈村酈哥莊皆在縣

北四十里

桃水

辨見涿水

水經注聖水自涿縣東與桃水合 方輿紀要涿

州境舊有桃水今水流遷徙非復舊跡矣

樂堆泉水今湮

水經注桃水又東北與樂堆泉合

鳴澤渚

水經注洛水上承鳴澤渚渚方一十五里 通典

范陽邵有獨鹿鳴澤 方輿紀要獨鹿山在涿州

西十五里下有鳴澤

謹案漢書武帝紀元封四年北出蕭關歷獨鹿鳴

澤注服虔曰獨鹿山名鳴澤澤名皆在涿郡道縣

北界涿州志乃以鹿字連下讀作鹿鳴澤又謂獨

卽濁字之誤無涿聲相近故名涿鹿山下有鹿泉
澤謬甚

獨樹水今無攷

水經注西則獨樹水注之水出道縣北山東入渚
謹案涿州志房樹河在涿城南下流入定興界疑
卽獨樹之誤

樓桑河今無攷

橫溝河今無攷

禮遜河今無攷

謹案三河俱見遼史地理志在涿州

柳河在涿州西南務里泉四時不竭

洗馬臺

一統志在涿州西五里俗傳張桓侯飛洗馬于此故名

連泉

涿州志連泉山之巔有泉相連在房山縣西北三

十里

謹案州志又有蓮池在州東北八里兩池相連卽連泉之水流以成池者也

觀蓮池

〔頁鄉縣志〕卽琉璃河下流分出也在邑南三十里立教村西金狀元梁斗南植蓮于此今淤成平陸清泉

涿州志在州西盤陂流至桑葉澗入拒馬河

乾池

畿輔通志在涿州西十五里其地窪下爲衆流所
歸然未嘗盈滿爲患一名百尺乾

月池

畿輔通志在涿州西十八里盈三百畝泓渟湛徹

甌井

涿州縣志在縣南街大悲閣前康熙十三年知縣

陸景箴重修大悲閣濬治之

薛港在定興縣西樓村

花木港在定興縣留鎮店

青龍港在定興縣田侯南

魚池河

新城縣志在縣東北十五里無源頭由交渠鴻澤
逕倉上村入趙莊窪潴而不流

龍灣河

新城縣志在縣東北二十五里無源頭自河頭村

平景孟良營溢入趙莊窪

南里河

方輿紀要在新城縣東北二十里志云琉璃河支流也與順天府良鄉縣接界〔新城縣志〕南里河在縣東三十里卽胡良琉璃涿水三河下流由縣東南王村南里堡上板家窩米家務等村經雄霸合直沽入海相傳舊惟小溝流水嘉靖三十二年其溝自底湧水裂土成流卽通運河遇雨連綿居

民受患

謹案新城縣境東接固安永清二縣其中有所謂
運河者蓋宋沿邊運糧之河今已淤廢不可復識
十九堡馮家營支河在新城縣東乾隆十年初次水
利工程曾開挑自馮家營西至東連村止長二十一
里有奇

襄子陂

太平寰宇記在歸義縣北巨馬河東西八十里南

北三十里半屬新城縣境

畿輔通志雄縣北有

裴子淀界接新城界

八尺口河

金史馬諷傳諷遷雄州歸信令境內有河曰八尺

口每秋潦漲溢害民田諷視地高下疏決之其患

遂息

天井窪方十里在雄縣下村

軍窪在雄縣西樓村

戴家窪方十里在雄縣十里鋪

白家窪在雄縣上村

柳溪卽隄傍水也

見雄縣志

護城井

霸州志在州城中沿城共井七十有二宋楊延昭所鑿今廢僅存者郡人汲焉

清淀水今無攷

永經注聖水又東南流右會清淀水水發西淀東

流注聖水謂之劉公口也 太平寰宇記渭水
出固安縣界東注聖水謂之劉公口

洛水今無攷

水經注桃水又東逕頃亦地名也故有頃土言世
名之頃前河又東洛水注之 太平寰宇記曲洛

溝自督亢陂逕固安縣南東注方城泉

謹案保定府志作東洛水是以水經注又東東字
連下讀也誤矣

濩澱水今無攷

水經注巨馬河又東南逕益昌縣濩澱水右注之
畿輔通志濩澱河本名濩澱水在固安縣南今
縣南無此水

白祀溝今無攷

水經注聖水又東左會白祀溝溝水出廣陽縣之
婁城東東南左合婁城水水出平地導源東南右
注白祀水 二統志白祀溝在永清縣北

畿輔安瀾志

臣王履泰恭纂

滾水卷下

隄防

漏水石壩在房山西南以洩十度河之水

北埵在定興縣境自內章村起至談城村止長五千七百四十丈高四五尺至六七尺寬三四尺至五六尺不等

南埕在定興縣境自北謝村起至費家莊止長一千八百丈高四五尺至六七尺寬三四尺至五六尺不等

南召隄五馬隄俱在定興縣境

定興縣志西靳以東舊有南召五馬二隄潰值漳霖則新城定興被災明永樂中河決差工部主事丁寬董板築後定爲例定興三分新城七分有新城米大本碑在北蔡可攷

國朝順治十二年河決五馬口次年部發帑金萬兩大興板築役夫工十五萬有奇

謹案此隄兼以防渾河之西南泛者卽長隄遺址也

王大本口隄

方輿紀要新城縣東南有王大本口隄昔人築此以防巨馬河之泛濫永樂十年隄潰尋復修塞

清河子埕自新城縣東北新橋起至縣南十里鋪長

二十一里有奇乾隆十年築

巨馬河古堰在容城縣高四尺頂寬一丈八尺底寬三丈八尺

長隄在容城縣東北接雄縣西接定興長四十餘里以防白溝河水

方輿紀要容城縣自東而北有長隄延袤五十里以防白溝河漲溢永樂十四年潰決尋復修塞之

容城縣志長隄在縣東北自東王儲村接雄縣

西自溝市村接定興長四十餘里防白溝河水患
明永樂十四年河決隄口差主事丁寬修築後西
塹尤老石灣新店等處每被衝害嘉靖三十年尤
甚巡撫令雄縣新安與容城協同脩築堅厚久遠
有賴

國朝康熙元年脩築水衝隄岸王家營一帶長一百八
步址寬四步巔二步高各一丈王胥東偏隄岸長
九十二步上下均寬一步高各五尺又加帮岸隄

長二百三十四步上下均寬一步高各五尺又迤
西帮岸隄長一百四十四步上下均寬一步高各
一尺康熙九年知縣趙士麟修築王家營水口長
九百步闊一丈高八尺新莊白溝河水衝三口長
一千零七十步闊一丈高八尺賈家莊河水泛溢
長三十八步闊八尺高八尺

杜村口隄在容城縣境

謹案明實錄景帝景泰五年七月癸丑白溝河漲

決保定杜村口隄詔有司候水降脩築六年七月
丙寅命脩直隸容城縣白溝河杜村口及固安縣
楊家務等口決隄今其隄亦廢

把頭隄

雄縣志西至安州新安經縣南遶崔村馬務而東
長二百里築以禦水可行車亦名直道隄

謹案任邱縣志扒頭隄口趙北口南卽把頭隄也
大姑隄馬務隄

雄縣志相率一十餘里明萬厯中知縣李一心築
謹案雄縣東十五里曰大姑村三十里曰馬務頭
小姑隄崔村隄

謹案雄縣城東曰崔村十里曰小姑小姑在大姑
之南河由馬家莊西柳村西隅東陽村朱哥莊漢

河村王克舖王黑營陸家臺任家臺王家臺

卽望駕臺

安哥莊小姑村郭哥莊大姑村胡哥莊至馬務頭
南北各分四支其西支東出至史哥莊洪城村下

入保定縣界

魯隄在雄縣境

雄縣志嘉靖三十年白溝水決沒民田衝淹數十里知縣魯直築隄障之至今賴焉

長隄

雄縣志長二十餘里在留鎮齊觀之西縣丞劉天健築溉田千餘頃永爲民利

謹案雄縣東南三十里曰石橋五十里曰王村口

六十二里曰韓哥莊七十里曰石橋村七十五里
曰王東村八十里曰蓬耳灣九十里曰齊觀曰小
務村曰留鎮店曰李村河自馬務頭分支逕王村
口韓哥莊蓬耳灣齊觀村留鎮店南李村逕石橋
下入五官淀

沿河隄

雄縣志在大陰村

謹案雄縣東南五里曰大陰村曰龍華村曰上村

河由城東南龍王廟前逕狄夏鎮

縣東十五里

折而南

逕上村龍華村

縣東南四十五里

至大陰村抵王家房出

境其北來之水由馬務頭分支逕道務村龍灣匯

流于此又縣志大陰村南隄決口長八十一度大

陰村東隄決口長三十大度齊觀村決隄長三千

六百六十度楊家莊河口決隄長九十二度

縣東南八

十五

王村口南隄決口長一千零五十度王村口

橫隄決口長二千八百二十度上村下村決隄長

二千三百二十九度龍華村北橫隄決口長一千

五百八十四度

尚有留道村西隄李郎中西隄俱見唐河篇

順治十八

年渾河水漲衝沒雄縣隄遣工部巴連筆帖式多

奈鑲黃旗阿達哈哈番噶達洪蒙古阿達哈哈番

明安漢軍佐領章京聶大鼎同易州兵備道僉事

韓嶼知縣王鼎魏賁帑金二萬四千七百四十一

兩零脩康熙四年龍華上村下村王村口隄又決

遣員外郎世塔筆帖式羅什通事賈得功同知縣

劉秉忠修隄四千九百度又代任邱縣修四百度
立滿漢字碑一通共用帑金七千一百二十三兩
二錢六年又決知縣戚重進賠修此隄本以障白
溝河之水後爲渾河所衝決

萬柳隄在雄縣南卽今驛路也明洪武間知縣王夢
賢修正德十二年知縣易鴻重修高五尺濶五尺種
萬柳以固隄岸因名

大隄

雄縣志大謝王槐西陽東陽東趙俱有之

謹案雄縣北二十五里曰大謝村西陽村王槐村
東陽村小謝村東北二十里曰東趙店

黃花隄在雄縣西南多黃花

老隄在雄縣城南自南關劉守正廟起至十里舖止
長二十二里一百一十五丈頂寬一丈五尺底寬三
丈九尺以防瓦濟河之水康熙二十七年總河王新
命築

留通李郎二村涵洞二座在雄縣宣洩積潦之水入
燒車淀離雄城二十里

王家房涵洞在雄縣城南宣洩大陰村積潦之水離
城八里

橋渡

涑源橋在廣昌縣東一里石築長里餘寬一丈高三尺跨涑水上明嘉靖中建

〔廣昌縣志〕涑源橋在縣東一里石砌地名水碾

〔畿輔通志〕明嘉靖中邑人高憲改建石橋

巨馬河橋在廣昌縣東門外跨涑水上

段家石橋在房山縣西南五里跨涑水上

韓村河石橋在房山縣南二十五里

東西石橋在房山縣南三十里跨涑水上

甘池村石橋在房山縣西南三十里

沿村石橋在房山縣西南三十里跨牯牛河上

毛家營石橋在房山縣南三十二里跨涑水上

長溝峪石橋在房山縣西南三十五里

黑石岡石橋在房山縣西南四十里獨樹河之北跨

涑水上

獨樹河石橋在房山縣西南四十八里跨涑水上

石窩四店石橋在房山縣西南五十里跨涑水上

西塔寺石橋在房山縣西南六十里跨牯牛河上

謹案石塔卽多寶佛塔也在斜石岡

磁家務石橋在房山縣東北十八里

公主墳石橋在房山縣東北十八里

朝宗橋在房山縣北四十里跨沙河上

蘆村河石橋在房山縣東南六里

堰頭村石橋在房山縣東南八里村之東

灌橋在房山縣境灌河所經下與挾河會

長楊橋在良鄉縣東北十里跨廣陽河上

謹案長楊店在良鄉十里爲南北要道

野谷莊石橋在良鄉縣廣陽水逕其下順水河自北
來會之

普濟橋在良鄉縣南關外石築跨牝牛河上明萬厯

三十七年建

國朝康熙三十六年知縣傅作楫重修

通濟橋卽董公庵道南之石橋也爲牯牛河雅河所
會處在良鄉縣南

前石羊村橋在良鄉縣東南石築跨牯牛河上

永濟橋在良鄉縣東南長新店之南趙新店之北跨
雅河上

金家橋在良鄉縣東南跨雅河上

琉璃河橋在良鄉縣南四十里石築跨琉璃河上金
建明永樂十六年修嘉靖二十五年重建

良鄉縣志琉璃河橋在邑南四十里燕谷店北明
嘉靖間工部奉勅建並修築環橋石塘阮恩咸濟
二坊俱壞廢明實錄永樂十六年七月修順天
府琉璃河橋范守已肅皇外史嘉靖二十五年
九月濟良鄉琉璃河置橋其上名其橋北曰仙積
南曰永明錢枋說臆琉璃河石橋之右有鐵竿
倚焉自扶闌至水底約長五丈土人目爲王彥章
鐵篙此不經之談也然是物不知所從來案大都

官殿考廣寒露臺石闌道旁有鐵竿數丈上置金葫蘆三引鐵鍊以繫之今驗竿首有孔疑卽其遺製蓋物在禁中莫有銷之者或因河水泛濫移此以鎮水怪未可定爾 金王惲起葢良鄉縣南留李河橋梁事狀畧竊見中都迤南係四方官員客旅朝會經行驛程止路近嚮知良鄉縣南十三里有舊來經由留李河橋官道南至涿州六十里兵革以來橋廢不行目今靠西由繼陽套 轉至涿

朔北十五里若經夏秋水泛漲泥濘虛陷致使
舖馬客旅來往生受兼經陽套地形卑下村坊驚
遠接連溝澮屢常失盜深爲未便竊詳若依舊起
蓋留李河橋道官民實兩便

明尚書雷禮琉璃

河橋隄記畧良鄉縣迤南四十里村名劉李其地
窪下爲積流所滯有河一道志稱琉璃卽古聖水
自房山縣龍泉峪諸泉會合於此經霸州東注巨
海河入海時逢霖潦散漫奔潰百餘里動阻滯不

能涉嘉靖乙亥勅工部尚書甘爲霖督脩病去不
終乙巳復命侍郎楊麒內官監太監陳准袁亨建
石橋普濟然無隄岸溽暑水發環橋南北盡爲巨
河往來病是者又閱八年辛酉諭尚書徐杲降帑
銀八萬兩相度建議脩築二隄專用條石中添小
橋一座並設水溝以殺水勢于是委郎中王尚直
員外郎曾一經同內官監太監楊用分理凡爲隄
南北東西共長五百餘丈橋一座長四丈五寸濶

三丈五尺高一丈三尺五寸水溝八道又飭立元
恩威濟坊二座至壬戌孟冬報成

石亭橋在涑水縣北三十里清水河所逕也

方輿紀要亭山在涑水縣北二十里以山形亭亭
特峙而名卽石亭山也橋在山下故謂之石亭橋
昇平橋在涑水縣東北之水東村乾隆二年建四年
知縣王治改建高六尺長三丈寬二丈清水河所逕
也

稻子溝橋

畿輔通志在涑水縣東接涑州界

義安村巨馬河渡在涑水縣民間自置渡船一隻

草仙橋在易州東北跨涑水上

涑州巨馬河橋在州北門外石梁跨巨馬河上明萬
曆二年勅建明末水徙橋南今已改建

涑州志巨馬河石橋在州北郭外創于明萬曆元
年重建于天啓六年至崇禎時水不由橋下行橋

頭石爲水所嚙每秋泛漲舟楫乃渡冬月仍構草
橋涿民苦之明大學士張居正勅建涿州三橋
碑畧涿州北有河二自西山諸泉來者曰胡良河
距城西北里自紫荆關外鐵鎖崖入者曰巨馬河
距城二里每秋水發洶湧暴至歲漂溺常數百人
聖母慈聖皇太后會州民有奏乞建橋者自以宮
中供奉金募工司理監太監馮保舉內官監太監
劉濟工部尚書朱衡舉郎中易可久賀幼殊督工

乃以二年正月興工閱月告成胡良河橋一巨馬
河橋一高廣各二丈長三十餘丈皆甃以巨石錮
以鐵錠費不過七萬役不過數月往嘉靖間建琉
璃河橋一費三十餘萬茲二橋之費不啻四之一
而堅緻精工乃過之

巨馬河新大石橋卽舊巨馬河橋也乾隆二十四年
因舊橋毀廢總督方觀承奏請收建于舊橋之南跨
巨馬河上橋南北接築長隄下各爲涵洞以洩漲水

隄上翼以石闌隄南北各建一坊又建亭樹碑爲京
南巨觀

奏畧竊見涿州北門外巨馬河石橋一座爲畿南
通津要道因河流徙越橋南橋河不相關涉遂成
虛置臣面陳情形荷蒙

俞允隨帶同口北道玉神保親赴該處詳加細度舊存橋身
九空應向南改移跨河成造橋尾接築石隄長七
十八丈直抵南岸高處其近橋二十二丈尚在河

灘之內應於隄根砌成涵洞十五孔以洩漫灘之
水至於舊橋地基雖高於河身六尺但恐泛漲汕
刷或上游改溜漸致北徙今擬將舊橋拆蓋平面
俾與南石隄相等其內券九空之中各添砌金剛
牆一道覆以條石作爲涵洞十八孔使北溢之水
仍可通流其橋北舊石道酌留三十丈已足相稱
除石料無庸添辦外其灰筋椿懶棘鐵架木各項
並開挑引河築壩等一切物料夫工運費現交口

北道帶同匠頭確實估計另行具奏

胡良河橋在涿州北十里明萬曆二年勅建

挾河橋在涿州北二十五里明建

涿州志挾河石橋在州北二十五里舊志云將軍

王鎧脩建近被水衝土人募資重建

范水橋

二統志在涿州西郭外架木以通行人每年冬建

秋撤隨水勢曲折無定所

謹案范水今不可攷而猶存此橋之名蓋昔人誤以唐范陽縣卽漢范陽縣范水當在縣北而名之其實范水不在此也

乾石橋

涿州志在州南郭外下無水

俠流橋在新城縣西北十二里俠流村跨紫泉河上
龍堂橋在新城縣西北十五里龍堂村跨紫泉河上
斗門橋在新城縣西北斗門村

趙村橋在新城東南趙村接雄縣界去城二十里白溝河舊所經流也高一丈二尺寬一丈八尺長十二丈

高橋在新城縣南二十里跨白溝河上

馬村橋在新城縣西三十里

高碑店橋在新城縣西北三十里跨白溝河上

畿輔通志高碑石堡在新城縣西北三十里 方

輿紀要高密店在新城縣西北三十五里元至治

中營遊畋至此亦名駐蹕莊

昇仙橋在新城縣南關

麴家橋在新城縣十里

十里鋪橋在新城縣南

泗莊橋在新城縣東南十五里

〔謹案縣志謂之許家莊橋橋側有東西泗莊窪

下龍堂橋在新城縣東南二十里

堽上橋在新城縣東二十五里

沙口橋在新城縣東南二十五里

板家窩橋在新城縣東南五十里

咎哥莊橋在新城縣東南六十里

齊哥莊橋在新城縣東南六十五里

來家務橋在新城縣東南七十里

謹案自昇仙橋以下諸橋皆白溝河支流所分之

水今現有木橋五座一在平景林長十二丈寬一

丈八尺高二丈一在新橋集長十二丈高寬各二

丈二橋相去二十里一在蔡各莊長十丈寬一丈六尺高二丈去新橋集十里一在十里舖長十一丈寬二丈高一丈八尺一在田宜屯長十三丈寬一丈八尺高二丈二尺去十里舖八里又白溝河北橋長十五丈高寬各二丈乾隆十年興修水利于十里舖之南北高橋村建木橋長八丈四尺寬一丈四尺高一丈二尺

白溝渡在新城縣南三十里

時濟橋在定興縣南四十里固城村北跨白溝河上
明成化間建

西橋南橋在定興縣境皆木橋冬建春拆跨白溝河
上

定興縣志西橋以通涑易巨馬河之津也夏秋舟
濟冬春興梁南橋爲南北通津卽河陽渡也亦夏
拆秋蓋

河陽渡

二統志在定興縣南十里涑易沙三河合流於此

當南凡通津

謹案雍正十一年冬定興縣知縣孫酉申請北河
置渡科士韓文純等捐地四頃二十五畝爲造船
僱夫之費立石河干

西河渡在定興縣西巨馬河上

白溝橋在容城縣東三十里跨白溝河上

容城縣志冬蓋夏拆明成化間河移南流路在河

東遂不復修

永通橋在雄縣西一里架木長十三丈寬一丈高一丈跨白河上明景泰間知縣曹偉建正德間易鴻重修

國朝康熙間戚崇進重修

草橋在雄縣三里今廢

大陰橋在雄縣大陰村

瓦濟橋在雄縣南關高一丈二尺寬一丈八尺跨白

溝河上卽古之瓦濟橋關也

雄縣志瓦濟橋在南門明程九鼎建易鴻修

國朝順治四年內官劉有賢重修

西成橋

雄縣志在易陽門外跨白溝河上明正德間馬紀
建萬厯間崔嵩重修

東作橋在雄縣東門外跨白溝河上

北店橋在雄縣北關之北明天順間知縣秦絃建今

圯

亞谷橋在雄縣東六里跨白溝河上

雄縣志亞谷橋在本村 方輿紀要亞谷城在雄

縣東城家記漢景帝時匈奴降王盧它之封爲亞
谷侯卽此

王克橋

雄縣志在本鋪之南明正德萬厯間皆重修爲渾
河衝廢後復建木橋高一丈一尺寬一丈八尺長

六尺

王槐村木橋高一丈寬一丈五尺長十二丈離城二十六里

大步村木橋高一丈一尺寬一丈三尺長八尺離城十二里

西槐村木橋高九尺寬一丈三尺長六丈離城十二里

何哥莊橋在雄縣東北二十五里

張哥莊橋在雄縣東三十里

劉家莊橋在雄縣琉璃河下流所逕也

王村口橋在雄縣境明嘉靖間修

國朝康熙二年里民重修

崔村橋在崔村明萬厯間縣民劉廷用創修今爲渾

河衝沒

小王村橋在雄縣東北十里

王家臺橋在雄縣東北十里

馬家橋在雄縣東北十二里之任家臺

王黑營橋在本營

龍灣橋在本村

史哥莊橋在縣雄東北四十里

柏木橋在雄縣東北四十里

謹案保定縣志康熙元年柏木橋隄決蓋爲渾

河所衝決也

中王橋在新安縣西北三十五里跨巨馬河上

飛虹橋

一名勝志在故安次縣南跨界河川相傳漢元狩二年建晉劉琨嘗飲于此

婆娑口渡在雄縣

祠廟

龍王廟在廣昌縣西南涑山下涑水南源所出蓋以祀涑水神也

寰宇通志龍門臺有龍王廟二統志龍門臺在房山縣西南二百里四面皆山其下深澗莫測南有一竅上有龍神祠

海龍祠在涿州

太平寰宇記督亢陂在范陽縣東南十里郡國志

云波見有海龍王神祠在焉 涿州志督亢亭在

州東南十五里遺址高丈餘周回七十餘步今名

海龍祠

平浪王廟在涿州北郭以祀宋蕭伯軒順治十年知

州鄭玉建

紫泉龍祠在新城

二統志在新城縣西南三十里旱禱輒應元蘇天

爵有記 新城縣志龍王廟在縣西北十里龍堂

紫泉之上。一在縣北門外西衙衙。元祿天爵紫

泉。龍祠記畧。保定府屬邑曰新城。邑西北十餘里

有泉出焉。東流入于巨馬水。泉之北涯。昔人建祠

以祀龍神。金時刻石。猶存祠前。二池清瑩。可鑒毛

髮。冬夏不涸。不溢。居民相傳曰。紫泉莫究其始名

也。大定丙寅

謹案金史世宗紀年大定起辛巳終己酉無丙寅年元泰定帝起甲子其

泰定三年乃丙寅也當是泰定秋池水一夕色變爲紫。遠近觀者

異焉。疾者飲之而卽愈也。明年有赤蛇出于池中。

蜿蜒行走祠壁變化靈異蓋雲龍云樞府右翼屯
田官廟而祠之朝列大夫佩金符千夫長荆侯訥
睹神之異率其僚吏及祠旁耆老歲再祠之余聞
而異之故筆其事并作辭以侑饗云

五龍宮在雄縣東南一里小雄山上下臨雄河
河神廟在雄縣大雄山之後水則禱之今圯

水利

涑水縣營田在縣東北境赤土村八岔溝小村諸處
雍正九年引涑河水仍洩水於本河營治稻田二十
二頃二十八畝雍正九年改旱田一十二頃四十四
畝

畿輔通志京西諸河皆匯于西淀足蓋宋人塘濬
之遺也雍正四年奏請次年開局涑水縣赤土村
八岔溝等處營田引涑河水仍洩于本河土人

亦時引就稻故千巨馬河自鐵鎖崖向南分支者
名之曰稻子溝河蓋緣稻得名也猶經理未廣今
相度地勢開渠設閘以極水力舊治新營咸資灌
漑之利矣

房山縣稻田在縣西南境廣運莊高家莊南良生良
溝村諸處雍正五年引巨馬河陝河之水仍舊水于
本河管治稻田二十一頃四十三畝六分農民自營稻
田二頃七十二畝八分雍正六年縣治西南良莊高

家莊長溝村營治稻田二頃八十九畝農民自營稻田四十畝

畿輔通志土人于邑西南玉塘泉引水蒔稻但泉
力無多而巨馬河自鐵鎖崖以東水勢順流兼挾
河東南貫注源流甚大引用不窮開渠設閘隨取
而足十餘里畦塍相望較玉塘泉之力更廣矣

涿州營田在州西北境茂林莊毛家屯藍家營諸處
雍正五年引上馬河胡良河之水仍洩水于本河營

治稻田九十頃五十二畝農民自營稻田四十八畝
雍正六年州西北普利莊北魯坡泗水莊諸處營治
稻田七頃五十一畝農民自營稻田二頃五十五畝

畿輔通志按明臣徐光啓言西北水利以涿州巨
馬水可引用又巨馬河之北胡良河挾河之水亦
可引又州南海龍寺有督亢亭舊跡皆土壤膏腴
之証土人于挾河引水疏濬陂圩具有條理今據
廣營治三千畝若復能擴充規畫其利可勝言耶

謹案徐光啓
當是徐貞明

怡賢親王水利奏畧一盧溝以西
諸水巨馬其鉅流也發源山西廣昌之涑山東流
至房山鐵鎖崖分爲二派一派東入涿州過新城
西南一派南入涑水經定興歷楊村而東二派合
流而爲白溝河他若挾河琉璃河會于馬頭村爲
馬頭河茨尾河廣陽水會于石羊村爲牝牛河白
玉塘西城寺甘池諸泉爲胡良河皆入焉馬頭牝
牛二河雨多則溢雨少則涸均難資其灌溉而牝

牛一河又往往東決爲固霸諸邑害衝溜旣久宛
成河漕特以下無所歸以致泛溢田野應加疏濬
導自高橋以下入淀不惟固壩百里之內潑水有
所收攝兼可減白溝之流免雄縣淹沒之患惟胡
良所經地稱膏腴溝渠圩岸宛若江南擴而廣之
房涿之間皆稻鄉也涑水一派石亭赤土樓村杭
稻最盛而房之張坊至駱家莊涑之高村及城之
西北一路分渠引流俱有條理又有王家莊茂林

莊毛家屯等村溝渠現存改爲旱田者約百餘頃
問之士人僉言水之入涑者七入房涑者三故不
足用及訪涑則又以水源微弱爲辭此皆小民狃
于因循不足深信此河下流爲白溝河水勢甚盛
而附流之茨尾等河常苦涸竭則今之滔滔南下
者孰非巨馬之餘波乎未有不流盛而上源微者
今應于房山鐵鎖崖分流之處深溝引注以均其
來白溝之上相地建閘以節其去不惟王家茂林

等處之百餘頃復爲水田卽河流所經之定興新城等縣亦沾灌溉之利一西淀之趙北口隄身俱已堅築如式舊橋八座升高加濶並新添木橋三座指日告成廣惠等橋下三河亦均加疏濬惟是白溝之流由大灣口而入柴伙淀者水挾流沙旋挖旋淤容于水涸之後細加相度改導舊流不惟一方永逸而柴伙淀四十里之間皆爲營田之地矣

涿州西疇村引水溝引巨馬河水灌田長十二里西
城村引水溝乾隆五年開挑引巨馬河水灌田長十
八里馬踏營引水溝乾隆九年開挑引巨馬水灌田
長十一里新城稻子溝雍正初年在赤土村八岔溝
水北村諸處營治稻田二十頃二十八畝引巨馬水
以資灌溉因地勢高阜汲水維艱九年改旱田二頃
十四畝乾隆二年巨馬河水發衝壞溝洫俱改爲旱
田今稻地零星無幾每年或水或旱皆視天時雨暘

河水漲減種植

十謹案史記索隱督亢之田在燕東甚良沃欲獻秦
故畫其圖而獻焉魏書裴延儻傳范陽郡有舊督
亢渠經五十里漁陽燕郡有故戾陵諸堰廣袤三
十里皆廢毀多時遂躬自履行相度水利隨力勞
督未幾而灌漑田百萬餘畝隋書食貨志齊孝昭
皇建中開幽州督亢舊陂長城左右營屯歲收稻
粟數十萬石北境得以周贍文獻通考宋淳化四

年知雄州何承矩及臨津令黃懋請于河北諸州
置水利屯田興堰六百里置斗門灌溉斗門河在
新城縣起自李家營至魏家莊入清河長四十八
里其北起涿州南至新安固安之境者爲古督亢
地稻子溝其地宜稻流逕新城縣之馬村爲馬村
河也水自巨馬分支流入白溝觀于
國家之營作乃知千載以來猶如一日也